



KHAZANAH
NASIONAL

SIARAN MEDIA

Kuala Lumpur, 20 Mei 2022

Khazanah jalin hubungan strategik untuk jadikan Cenviro jaguh serantau dalam pengurusan sumber

Khazanah Nasional Berhad (“Khazanah”) telah menjalinkan perkongsian strategik dengan SK ecoplant Co. Ltd. (“SK ecoplant”), sebuah syarikat daripada Korea Selatan, bagi terus memacu pertumbuhan Cenviro Sdn Bhd (“Cenviro”) untuk menjadi peneraju pengurusan sisa serantau.

Lanjutan daripada proses bidaan pelbagai hala yang dijalankan, SK ecoplant telah dipilih sebagai rakan kongsi pegangan saham minoriti paling tepat bagi membantu Cenviro untuk terus maju ke tahap pertumbuhan strategik seterusnya, sejajar dengan aspirasi pembangunan perindustrian sektor pengurusan sisa negara.

Perkongsian strategik ini juga adalah selaras dengan strategi jangka panjang baharu Khazanah ke arah *Memajukan Malaysia* yang telah diumumkan semasa Ulasan Tahunan Khazanah pada Mac 2022. Antara lain, Khazanah akan melaksanakan beberapa inisiatif utama untuk menyampaikan hasil yang memberi kesan kepada negara, termasuk mewakili Malaysia di peringkat global untuk menggalakkan aliran pengetahuan, rangkaian serta peluang pelaburan.

Ia juga selaras dengan strategi Khazanah untuk mencipta masa depan yang mampan yang mana ia berharap dapat memainkan peranan utama dalam membentuk peralihan yang saksama dan bertanggungjawab dalam bidang alam sekitar, sosial dan tadbir urus (“ESG”) untuk Korporat Malaysia.

Cenviro yang kini merupakan penyedia penyelesaian pengurusan sisa pekeliling unggul di Malaysia menyediakan perkhidmatan rawatan & pelupusan, kitar semula & pemulihan sisa terjadual, serta menekankan aspek amalan terbaik ESG.

Perkongsian yang dijalinkan ini merupakan langkah penting dalam pelan hala tuju strategik Cenviro untuk rantau ini, menggabungkan keupayaan operasi dan teknologi SK ecoplant dengan penguasaan dalam negara yang dimiliki oleh Cenviro. Khazanah dan SK ecoplant percaya bahawa perkongsian ini akan mengukuhkan lagi kedudukan Cenviro sebagai platform pengurusan sisa terjadual yang unggul, membantu dalam pertumbuhannya serta mencipta nilai untuk semua pihak berkepentingan.



KHAZANAH
NASIONAL

Kemasukan pelaburan baharu ke Malaysia oleh pelabur asing yang berwibawa juga merupakan suatu lagi petanda baik atas keyakinan negara luar terhadap Malaysia.

Pengarah Urusan Khazanah, Dato' Amirul Feisal Wan Zahir berkata, "Selama lebih 30 tahun, Cenviro telah menjadi peneraju dalam sektor pengurusan sisa bersepadu di Malaysia. Perkongsian yang dijalinan antara Khazanah dengan SK ecoplant ini akan membantu memajukan lagi perniagaan Cenviro untuk mencapai tahap global dan meletakkannya di barisan hadapan dalam bidang pengurusan dan pemulihan sisa mampan di rantau ini."

"Pelan pertumbuhan Cenviro selari dengan mandat Khazanah untuk membangunkan syarikat yang berdaya saing di peringkat global yang berpaksikan kemampanan dalam portfolio kami," ujar beliau.

Sementara itu, menurut seorang wakil SK ecoplant: "Kami, SK ecoplant, sebagai platform perniagaan mesra alam No. 1 di Korea Selatan, telah berjaya menemui landasan terbaik untuk terus berkembang di rantau Asia. Perkongsian ini sejajar dengan rancangan jangka panjang SK ecoplant untuk mengembangkan perniagaannya berbekalkan pelbagai teknologi dan penyelesaian yang dimilikinya."

Menurut Pengarah Urusan Cenviro, Dr. Johari Jalil, sebagai peneraju platform pengurusan sisa bersepadu, Cenviro sentiasa meneroka peluang untuk mengembangkan ekosistem pengurusan sisa di rantau ini.

Tambah beliau, "perkongsian ini akan mengukuhkan keupayaan operasi dan teknologi kami, meningkatkan penyelesaian pengurusan sisa menyeluruh kami serta membawa nilai yang lebih besar kepada pelanggan kami."

Setelah muktamad kelak, perkongsian strategik itu akan menyaksikan SK ecoplant memegang 30% kepentingan dalam Cenviro manakala Khazanah terus kekal sebagai pemegang saham majoriti syarikat pengurusan sisa tersebut. Kelulusan daripada pihak pengawal selia akan didapatkan sebagai sebahagian daripada keperluan transaksi ini. Sementara menantikan kelulusan tersebut, Cenviro akan beroperasi seperti biasa.

Khazanah telah mendapatkan khidmat BNP Paribas sebagai penasihat kewangan serta Zaid Ibrahim & Co sebagai penasihat undang-undang untuk transaksi ini.



KHAZANAH
NASIONAL

SK ecoplant memiliki pengalaman luas kira-kira 44 tahun dalam bidang berteraskan mesra alam termasuk pengurusan sisa bersepadu, tenaga, kejuruteraan dan pembinaan berteraskan teknologi unggul serta keupayaan pembinaan di 15 buah negara.

Pengalaman SK ecoplant dalam pengurusan sisa di peringkat global serta hasratnya untuk terus memacu pencapaiannya dalam bidang ESG merupakan faktor utama yang akan membantu menyokong Cenviro untuk mencapai aspirasinya untuk menjadi peneraju serantau dalam industri pengurusan sisa.

TAMAT

Untuk maklumat lanjut, sila hubungi Sberliza Zabrudin di Tel: +603 2034 0000 atau e-mel di sberliza.zabrudin@khazanah.com.my.

Tentang Khazanah Nasional Berhad

Khazanah Nasional Berhad (“Khazanah”) ialah dana kekayaan berdaulat Malaysia yang diamanahkan untuk menyampai nilai mampan bagi rakyat Malaysia. Selaras dengan strategi jangka panjang *Memajukan Malaysia*, Khazanah menyasarkan untuk mencapai tujuannya dengan melabur dalam sektor pemangkin, mencipta nilai menerusi pengawasan aktif, meningkatkan kehadiran globalnya, serta membina kapasiti dan komuniti yang berdaya untuk manfaat rakyat Malaysia. Untuk maklumat lanjut mengenai Khazanah, layari www.khazanah.com.my.

Tentang SK Ecoplant Co. Ltd.

SK ecoplant ialah syarikat Kumpulan SK yang terlibat dalam perniagaan mesra alam khususnya dalam bidang pengurusan sisa bersepadu, tenaga, kejuruteraan, dan pembinaan dengan teknologi unggul serta keupayaan pembinaan dalam pelbagai industri, seperti minyak & gas, petrokimia, loji kuasa, infrastruktur awam, seni bina dan perumahan.